

任縣志卷之七

紀事

災祥

寇亂

災祥

余觀災祥志大抵水旱災祲而有年則不概見非果豐歲少而歉歲多也歡娛之境過而輒忘危苦之情久而弗釋故記憶於歉歲者獨多然使斯民之心常知歲之有歉則所以防歉之道在是矣至變異之見理有由來卽謂非祥何關民事而前志備紀之者蓋欲示人以天象之可畏使之有所顧忌而不敢肆也故仍次而列於篇

明

王

系

志

卷之七

成化八年饑 十八年大水 十九年蝗

正德八年秋黑眚見 十三年蝗

嘉靖九年大疫 十四年大水秋有星大如月羣星隨之自西

北流入東南少頃天鼓鳴如雷 三十年大水 三十三年

大饑人相食 三十九年旱蝗 四十二年夏大水平地深

丈餘漂沒廬舍無算

萬曆十三年旱 十四年旱 十五年旱 十八年三月望日

地震星隕

崇禎八年饑 十三年大旱饑 十四年大疫

國朝

順治五年夏大雨彌月

城圯壞官私廬舍萬計

十三年秋雨雹傷稼

康熙三年旱

四年彗星見太白經天

六年九月地震

七

年正月夜有白氣如天河見南方六月地震七月大水

壞西城八

十餘丈

九年旱

十年旱

十一年大水

四十八年大饑

六十一年大旱

雍正元年四月大風霾

四年秋熟

五年麥熟

八年十一

年大水

乾隆二年大雨雹

十七年秋大水

十八年夏雨冰

二十

四年秋大水

冬賑賜

二十五年大熟

二十六年秋大水

五

十五年夏旱

五十六年大熟

五十七年旱

五十九年

大水

嘉慶二年秋大水 五年秋大雨雹烈風拔木 六年夏大水

七年夏旱蝗 十五年地震 十三年大水 十七年十

八年旱

道光元年七月大疫 二年大水 十六年五月蝗

是月二十日飛蝗

蔽空而過數日蝗孽生幾徧郊野知縣陳步榮於六月初一日在新市設廠收買奉文每片十文恐收之不盡乃捐資倍價二十餘日遺種剿絕竟獲有秋

咸豐三年大水 四年麥大熟

麵一斤十四錢

七年蝗 十一年彗

見西方東南指長竟天

同治六年夏旱立秋三日乃雨 七年大水 十三年秋彗見

西北尾長近紫微垣

光緒三年麥大熟

斗麥制錢三百文

秋苦旱

四年旱蝗

饑民採取樹皮草根幾盡

米麥價值斗約制錢一千六七百文

八年八月彗見東南

九年九月桃杏

華 十一年秋大水

十五年有大星晝見

十六年十八

年二十年俱水

二十一年三月連雨麥大熟秋水

二十

六年旱七月始雨

二十七年饑疫

二十八年八月初三

日辛市等處雨雹積地尺許

按歲之豐歉關於雨暘寒燠而洪範言休咎則以五行之或時或恆推本於五事之得失是以上下修省有惟歲惟月惟日之兢兢此理想之言也西人則謂萬物之生胥賴太陽光

熱之力熱度積年有增減熱多則歲熟熱少則歲凶由最多以至最少每十餘年而一周故歐洲產葡萄之國每十年必大熟一次印度之地每十二年必大歉一次此實測之言也天下事理貴求真是則實測較理想爲優然計然有言歲在金穰水毀木饑火旱六歲穰六歲旱十二歲一大饑其論豐歉之數與西人所言正相符合則日熱生物之理吾國古人固早知之而不以是垂訓者蓋以歲之不齊卽知其由熱度差率所致人力亦何所施若知其與人事相關則因災而懼因懼而修倏忽之氛祲皆森嚴之誥誠居官者知此必爲循良居鄉者知此必爲善士况天心之缺憾正賴人爲以濟之

事前如何防維事後如何補救無不由知懼之一念來也故西人之說雖信而有徵轉無所警於人心吾儒之說揆之事實或不盡然而其理則有不可忽者矣

增補

紀事

災祥

災祥

宣統元年秋大水 二年秋大水 三年彗星見秋大水

民國元年秋水 二年夏大雨雹秋大水近城一帶皆被災

三年夏蝗秋大水

是年蝗飛遍境所過赤地惟邑西安莊吳紳得祿督率鄉民捕打有法得免於患

寇亂

嗚呼禍患之來何者爲最烈哉善治生者水旱不能災善養生者癘疫不能沴惟寇亂之際壯士適以殞身多財無以乞命蓋生民之禍未有如兵之烈者也任邑自明以來素稱富實至季年而流賊肆虐土寇交鬩農商之業十亡八九我朝開國敕定經年人獲甯居漸復本業加以休養生息二百餘載殷商接宇富室比鄰卽力作之家亦且農餘粟而女餘布無何運際咸同人丁厄運髮逆蹂躪搶匪竄擾牲畜盡歸驅掠財粟適資盜糧迄今四十餘年元氣未復水旱癘疫偶值一時禍固不至若是酷哉明季之禍歷時久遠故老已無能道者至咸同之際城鄉人士或以拒賊而死或以避賊而

死倉猝遇害身名俱沒無可考見者長已矣其猶可考見者則隨事而次於篇俾後之覺者有以寄憑弔之懷設不幸而復遇其時庶有鑒而早爲寄焉

明

崇禎六七年間歲有寇亂十一年 大清兵克城知縣李庚死之十三年土寇蜂起知縣盧時升以邑人牛文科爲練總禦賊十五年賊兵壓境文科力戰死以邑人姜鉤鼇繼之戰屢捷賊始遁十七年流寇至民人張文燦被殺其見於紀載者僅此據謝豐年立帝廟碑癸酉寇警偵禦靡甯戊寅城破肝腦塗地庚辰辛巳歲頻大祲甲申土寇焚掠同室操戈亡者

十之八九則當日之亂極矣

國朝

順治初土寇猖獗公舉在籍都司吳盡忠爲練總守城有功六年戰沒於賊季年土寇唐敬吾作亂練總聶讀密白知縣趙祥星親往擒之

咸豐三年八月髮逆陷城知縣陳登漢被賊傷教諭張秉廉死難城關廟宇俱燬於火士民之死難者貢生姜逢潤庠生郭符晉罵賊遇害同時死者諸生馮建中從九品王鶴羣民人王承祺駱尙文謝成鄭學篤謝見學許三李黑子王記秋姜德義馬書契賀天成韓文貴韓三千青子楊升賈祿馬二張

五德賊經宿去土匪乘機搶掠殷商富室爲之一空有增生
丁伯榕者先時出城偵賊去急入城過家門不入先謁縣尊
送藥瘳其瘡謁教諭張公死所備棺殮之募人看守時四鄉
訛言城中無官劫奪公行柏榕請速出示各處張貼匪人知
官在亂始定

十一年髮逆宋景詩率衆過境據駱莊黑龍江馬隊至程爾
寨謂村衆曰賊勢大官軍少且步隊未至兵敗則數村俱灰
燼曷助戰衆諾之受其部勒戰於埵外賊敗去助戰被傷者
甚衆死者趙學禮等九人是年秋女賊程五姑教匪支黨也
率衆寇掠據駱莊官兵至賊驚遁既而偵知兵少復折回與

兵相持數日賊始去自髮逆擾後馬賊教匪相繼過境防剿之兵但尾追不迎擊民苦於賊復苦於兵而此役爲日稍久故受禍尤烈

同治二年馬賊過境夜宿村鎮焚殺淫掠慘不忍言有賊至前安莊入武生劉鳳翔家鳳翔無兵械掌擊賊面目睛俱出賊炙殺之子婦劉氏投井死先是村人顏宏皋郭鶴齡與衆共禦賊賊至衆潰宏皋憤甚直前搏賊奪槍刺之斃二賊賊以鐵鉤攢曳而支解之鶴齡執弓矢隱身高樹自上射賊賊以鉤下之穿腸洞胸而死餘衆死者尙三十二人惟顏郭爲尤慘云他村之禦賊而死者胡翟莊胡二莫孫杜科李若月又

有朱家屯朱董氏被脅投井死皆是年三月也九月賊自北歸至大宋村村人禦之傷七人死者四人時城內外舉辦團防偵知賊未退練總周印川王延標馬桂林丁文煥率練勇七百餘人赴之逐賊至南和境殺賊十餘賊始遁自是近村村莊賊患少息

五年賊至邑東南境望馬臺謝交泰遇賊擄婦女而行直前奪之格鬪死

六年正月捻匪張總愚自山東西擾突至邑境東南一帶村莊佔據殆徧食村民米麥一夕告罄次日北去尋復由故道南竄已而賊小燕王率大隊自南而北夜據村鎮自城上望

之火光燭天經宿去官軍尾其後騷擾更甚於賊逃難之民羣匿於蘆葦叢中死亡無數惟避入西山者始免於禍

七年賊至于盟莊達可貞守祖墓弗去達思曾守父柩弗去俱被殺

八年東望馬臺有孟天保者方桔槔灌園賊突至呼令飲馬天保厲聲罵曰老夫年邁豈能爲賊子作飲馬奴耶遂遇害光緒四年歲大饑有饑民數百合少數土匪作亂掠東盟臺村轉而西走至六屯向屯民索糧屯民陽許諾陰集屯衆各持器械突出猛擊匪四散奔走沿路被鄉民擒獲者六七十名送繳邑署邑宰牟懋圻以事上聞委順郡守薛斯來會同牟

公誅首要二十四名餘悉釋歸二十六年拳匪仇教向各村逼索財粟繼以廣宗景廷賓之亂邑東南頗被其擾紛紜一時無甚被害

當同治初元城鄉俱有團練然未有收其效者自修葺城垣資以防守鄉人懲於禍敗村鎮稍大者亦皆修寨自固一有賊警附近村民亦多避入其中零賊土匪稍能防禦

古蹟 城址 寺廟 冢墓

城址

張城在縣西南二十五里漢張縣地舊志云一名渚陽晉將王

浚遣兵討石勒屯於渚陽卽此

縣西南二十五里則已在邢境而地理諸書皆係於任故

仍志之

按邑有渚陽之名而莫詳其所自攷水經注拘澗水又東有牛首水入焉水出邯鄲縣西塔山東流澄而爲渚渚水東南流注拘澗水又東入白渠逕列人入漳蓋自廣平以北漳水已兼納渚水渚陽得名其以此歟

襄子城在縣南相傳爲趙襄子行宮又晉書云任有豐城魏書云任有張相祠今皆莫知其所在

苑鄉城在縣北十八里後趙石勒所築

按方輿紀要謂苑鄉後併入平鄉則故城似不

當在縣北

寺廟